

III. OUTRAS DISPOSICIÓNS

CONSELLERÍA DE CULTURA, EDUCACIÓN E ORDENACIÓN UNIVERSITARIA

RESOLUCIÓN do 24 de abril de 2018, da Dirección Xeral de Educación, Formación Profesional e Innovación Educativa, pola que se ditan instrucións para o acceso ás ensinanzas artísticas superiores reguladas pola Lei orgánica 2/2006, do 3 de maio, de educación, para os/as aspirantes que non cumpran o requisito de titulación.

Os decretos 163/2015, 172/2015, 174/2015 e 179/2015, do 29 de outubro, establecen, respectivamente, os plans de estudo das ensinanzas artísticas superiores de Música, Deseño, Conservación e Restauración de Bens Culturais e Arte Dramática na Comunidade Autónoma de Galicia. No artigo 5.2 dos ditos decretos establécese que, para os/as aspirantes que non cumpran os requisitos xerais de titulación para o acceso a estas ensinanzas, a consellería competente en materia de educación, a través da dirección xeral correspondente regulará, convocará e organizará unha proba anual que acredite que o/a aspirante posúe os coñecementos, habilidades e aptitudes necesarios para cursar con aproveitamento as correspondentes ensinanzas.

Ao abeiro do anterior, as ordes do 21 de novembro de 2016 polas que se regula a ordenación das ensinanzas artísticas superiores de Música, de Arte Dramática, de Deseño e de Conservación e Restauración de Bens Culturais establecen no seu artigo 6.4 que a dirección xeral competente en materia de ensinanzas artísticas superiores determinará a estrutura e contidos da proba que substitúe o requisito de titulación.

En consecuencia, procede ditar instrucións para o acceso do alumnado que se atope en tales circunstancias, para o curso escolar 2018/19, ás ensinanzas artísticas superiores de Música, de Arte Dramática, de Deseño e de Conservación e Restauración de Bens Culturais. Xa que logo, en virtude das atribucións que lle son conferidas polo Decreto 4/2013, do 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria, esta dirección xeral

RESOLVE:

Convocar a proba de acceso substitutiva do requisito de titulación a que fai referencia o artigo 6 das ordes do 21 de novembro de 2016 polas que se regula a ordenación das ensinanzas artísticas superiores de Música, de Arte Dramática, de Deseño e de Conservación



e Restauración de Bens Culturais, para o curso escolar 2018/19. A esta proba poderán presentarse os aspirantes que non estean en posesión do título de bacharelato ou equivalente, e non teñan superado a proba de acceso á universidade para maiores de 25 anos, e fagan os 18 anos en 2018, agás os aspirantes ás ensinanzas superiores de Música, para os que a idade mínima de acceso é de 16 anos.

Primeiro. *Inscrición para realizar a proba*

1. A inscrición realizarase na secretaría dos seguintes centros educativos entre o día seguinte ao da publicación da presente resolución e o día 7 de xuño, ambos inclusive:

Conservatorio Superior de Música da Coruña.

Conservatorio Superior de Música de Vigo.

Escola de Arte e Superior de Deseño Pablo Picasso da Coruña.

Escola de Arte e Superior de Deseño Mestre Mateo de Santiago de Compostela.

Escola de Arte e Superior de Deseño Ramón Falcón de Lugo.

Escola de Arte e Superior de Deseño Antonio Faílde de Ourense.

Escola Superior de Arte Dramática de Galicia.

Escola Superior de Conservación e Restauración de Bens Culturais de Galicia.

2. Para a formalización das solicitudes de admisión, os centros superiores facilitarán-lles ás persoas interesadas o modelo para o efecto. Unha vez cuberto, entregarase unha única instancia na secretaría do centro, xunto cunha copia compulsada do DNI ou NIE ou pasaporte.

3. Os centros superiores onde se realice a inscrición deberán enviarlle á dirección xeral, a través do correo electrónico sxapere@edu.xunta.es, o día 8 de xuño, a relación de persoas inscritas para realizar a proba de acceso, ordenadas alfabeticamente, con apelidos, nome e número do documento nacional de identidade ou do documento acreditativo.



4. A relación de persoas inscritas será exposta no taboleiro de anuncios de cada centro o día 11 de xuño, así como no portal educativo da Consellería de Cultura, Educación e Ordenación Universitaria <http://www.edu.xunta.gal>.

5. Poderanse presentar reclamacións contra a listaxe provisional entre os días 12 e 13 de xuño, ambos os dous incluídos, no mesmo centro onde se realizou a inscrición (ou a través do correo electrónico sxapere@edu.xunta.es).

6. A relación definitiva de persoas admitidas e excluídas para a realización da proba fíxose pública o día 14 de xuño no taboleiro de anuncios de cada centro, así como no portal educativo da Consellería de Cultura, Educación e Ordenación Universitaria, <http://www.edu.xunta.gal>

Segundo. *Desenvolvemento da proba*

1. A proba de acceso realizarase o día 15 de xuño, ás 9.00 horas, no IES As Fontiñas de Santiago de Compostela, de acordo co seguinte horario:

Ás 9.00 horas: presentación.

Das 9.30 ás 10.30 horas: Lingua Estranxeira (Inglés ou Francés).

Das 10.30 ás 11.30 horas: Lingua Castelá e Literatura.

Das 12.00 ás 13.00 horas: Lingua Galega e Literatura.

Das 13.00 ás 14.00 horas: Filosofía.

Das 16.00 ás 17.00 horas: Historia de España.

2. As persoas inscritas deberán presentar, para a realización da proba, o seu documento oficial de identidade e copia da folla de solicitude de inscrición.

Terceiro. *Tribunal e cualificacións*

1. A proba de acceso será administrada e avaliada polo tribunal que se recolle no anexo a esta resolución.



2. Os membros deste tribunal terán dereito á percepción de asistencias de acordo co establecido no capítulo IV do Decreto 144/2001, do 7 de xuño.

3. A proba de acceso será cualificada cos termos de apto e non apto.

Cuarto. *Admisión do alumnado*

1. Unha vez concluída a proba, o tribunal publicará a listaxe provisional de persoas que superaron e non superaron a proba, o día 18 de xuño, no taboleiro de anuncios de cada centro e a través do portal educativo da Consellería de Cultura, Educación e Ordenación Universitaria <http://www.edu.xunta.gal>

2. Poderanse presentar reclamacións contra as cualificacións provisionais o día 19 de xuño ante o/a presidente/a do tribunal avaliador, no centro onde se realizase a inscrición. Neste mesmo período, os centros remitirán á Dirección Xeral de Educación, Formación Profesional e Innovación Educativa, a través do correo electrónico sxapere@edu.xunta.es, as reclamacións presentadas para proceder á súa revisión.

3. As cualificacións definitivas publicaranse o día 20 de xuño, no taboleiro de anuncios de cada centro e a través do portal educativo da Consellería de Cultura, Educación e Ordenación Universitaria, <http://www.edu.xunta.gal>

4. Contra as cualificacións definitivas, a persoa interesada poderá interpoñer recurso de alzada ante a Dirección Xeral de Educación, Formación Profesional e Innovación Educativa, no prazo dun mes desde o día seguinte ao da súa publicación, segundo o disposto nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

Quinto. *Emisión de certificación*

Unha vez publicada a listaxe definitiva de aspirantes que superaron a proba, a Dirección Xeral de Educación, Formación Profesional e Innovación Educativa remitirá, o día 21 de xuño, os correspondentes certificados de ter superada a proba aos centros onde os/as aspirantes realizaron a inscrición.

Santiago de Compostela, 24 de abril de 2018

Manuel Corredoira López

Director xeral de Educación, Formación Profesional e Innovación Educativa



ANEXO**Tribunal da proba de acceso ás ensinanzas artísticas superiores**

Tribunal titular		Tribunal suplente	
Presidenta	Isabel Serna Masiá	Presidente	Manuel Guerra Fernández
Secretaria	Rosa Giao Sánchez	Secretaria	M ^a Luz Ares Fandiño
Vogal 1 ^a	Noemí Álvarez Villar	Vogal 1 ^a	Sofía Viña Díaz
Vogal 2 ^a	M ^a Jesús Lorenzana Lamelo	Vogal 2 ^a	M ^a Teresa de Jesús Rey Rey
Vogal 3 ^a	Carmen Meiriño González	Vogal 3 ^a	Marta Coria Blanco
Vogal 4 ^o	Manuel Ángel García Gómez	Vogal 4 ^o	Manuel Mira Martínez
Vogal 5 ^a	Julita Taboada Martínez	Vogal 5 ^o	Esteban Calviño Louzao
Vogal 6 ^o	Ricardo Pita Fernández	Vogal 6 ^o	Victoria Cerviño Ferrín

